

ÜTE TALO LUGU

Aadu Birnbaum

OM PÄHNÄPUIE HÄITSEMISE AIG
JA MORO PÄÄL OM KORGÕS KASVNU HAIN
UUT UMMI LATSI VANA TALO VIIL
KUID ESSÜS SIIÄ HARVA VÕÕRA TII

VIIL SAISAP TIIGI PERVEL VANA SANN
VIIL MUSTIL PALKEL SUIDSUKARM OM MAN
TAN VIIMÄST KÕRDA MÕSTI PEREMIIST
JA VIIDI ÄRÄ SELLE ILMA SIIST

TAN RÕÕMSAL MEELEL TETTI RASSÕT TÜÜD
JÄI PÄÄVÄ PIKÄS , LÜHÜKESES ÜÜ
OM AMMU LÄNNÜ SIIST KEL MINNÄ AIG
JA SIIÄ JÄÄNÜ MITMÕ PÕLVE VAIV

KOLM POIGA SUURDÕ SÕTTA KAOTSI JÄI
KÜLL IMÄ UUT JA PALLÕL ÕGA PÄIV
TUU MURÕ MURDSÕ ÜTSKÕRD IMÄGI
TAN KERIKAIA RAHUN TIMÄGI

OM PÄHNÄPUIE HÄITSEMISE AIG
JA MORO PÄÄL OM KORGÕS KASVNU HAIN
OM AMMU LÄNNÜ SIIST KEL MINNÄ AIG
JA SIIÄ JÄÄNÜ MITMÕ PÕLVE VAIV

VIIL SAISAP TIIGI PERVEL VANA SANN
VIIL MUSTIL PALKEL SUIDSUKARM OM MAN
: ; MA KAVVA ISTU SANNALÄVE IIN
OM HINGEL KÜLM JA HALLÕS LÄNNÜ MIIL ; :